



PRVA STRANKA
ПРВА СТРАНКА

GLAS NARODA!

Mi smo novi ljudi koji do sada nisu bili u politici! Jednostavni i obični, željni promjena na bolje i života dostojnog za sve sugrađane!

Prva stranka BiH je demokratska politička organizacija otvorena prema svim građanima i društvenim grupacijama bez obzira na vjersku, nacionalnu, polnu, jezičku, rasnu ili bilo koju drugu vrstu pripadnosti.

Prva stranka BiH će se u svom političkom djelovanju zalagati za ostvarivanje sljedećih načela:

1. Modernizacija obrazovnog sistema, pokretanje ekonomije i industrije, izgradnja moderne infrastrukture, stvaranje pogodne klime za nove investicije na cijeloj teritoriji BiH.
2. Razvoj demokratije koja će očuvati kulturne, vjerske i nacionalne identitete svih građana BiH, poboljšanje političkog dijaloga i jačanje političke kulture.
3. Uspostavljanje institucionalnih mehanizama za saradnju vlasti sa civilnim društvom, građanskim inicijativama, nevladinim organizacijama, lokalnim akcijama, vjerskim zajednicama, društvenim, mirovnim, multikulturnim i drugim pokretima, te zalaganje za prava radnika i sindikata.
4. Jačanje pravosudnog sistema na principima nezavisnosti, transparentnosti i pravde.
5. Unaprijeđenje vođenja institucija za obrazovanje oslobođeno bilo kakvih ideologija, poboljšanje standarda obrazovanja, kao i okončanje segregacije u sektoru obrazovanja, izdvajanje sredstava za obrazovanje u ranom djetinjstvu, te osiguranje usluga obrazovanja za porodice s djecom s invaliditetom.
6. Povećanje broja žena u svim sferama društvenog života i izgradnja društvenog položaja žene kroz jačanje gender mehanizama za unaprjeđenje jednakosti polova.
7. Očuvanje životne sredine, te jačanje uloge lokalnih vlasti i civilnog društva u procesu donošenja odluka na ovom polju djelovanja, kako bi se preduprijedila opasnost ugrožavanja životnih uslova stanovnika BiH.
8. Unaprijeđenje i razvoj sporta kroz sistemsku, stratešku i organizacijsku brigu sa jasno određenim konkretnim mjerama za rješavanje problema u svim oblastima sporta, koji u društvu ima važnu vaspitnu, zdravstvenu, kulturnu i socijalnu ulogu.
9. Potpuna sloboda i nezavisnosti medija, ali uz javnu odgovornost.
10. Zalaganje za sekularnu državu, za punu slobodu vjere, kao i autonomiju vjerskih zajednica, baziranu na zakonu.
11. Zaštita interesa poljoprivrednika i razvijanje strategije razvoja koja će stanovništvu koje se bavi poljoprivredom osigurati dostojanstven život, te što brži i bezbolniji prelaz ka tržišnoj i profitabilnoj industrijskoj poljoprivrednoj proizvodnji.
12. Poštovanje zakonom definisanih prava demobilisanih boraca, RVI i porodica poginulih boraca iz proteklog rata u BiH .
13. Policijske, bezbjednosne i vojne strukture u Bosni i Hercegovini učiniti efikasnim i pod civilnom komandom i parlamentarnim nadzorom, sa visokim stepenom hijerarhijske uređenosti.



PRVA STRANKA
ПРВА СТРАНКА

Prva stranka BiH je opredijeljena za politiku savezništva, partnerstva i saradnje sa drugim strankama srodnih programskih orijentacija, civilnim društvom, a sve to vođeno idejom tolerancije, dijaloga i nenasilja. Stranka će svesrdno raditi na očuvanju mira, anuliranju siromaštva, diskriminacije, kriminala, korupcije, te graditi društvo na principu evropskih civilizacijskih standarda.

ŽELIMO ŽIVJETI, a NE preživljavati!

Kako?

Red, rad, disciplina!

Mito i korupcija – NE!

Politika, NE! ŽIVOT, DA!

Mijenjajmo život zajedno!
